

四庫全書

集部

欽定四庫全書

集部

文苑英華卷九百

三十九至
四十一

詳校官庶吉士臣龍廷槐

助教臣常循覆勘

總校官進士臣朱鈐

校對官助教臣蔡鎮

謄錄監生臣戴天民

欽定四庫全書

文苑英華卷九百三十九

宋 李昉等 編

職官一

安南副都護畢公墓誌一首

福建觀察使鄭叔則墓誌一首

陝虢觀察使盧岳墓誌一首

安南都護張公墓誌一首

嶺南節度使徐申墓誌一首

宣州觀察使常溫墓誌一首

安南副使都護畢公墓誌一首 張九齡

公諱某字某東平人四世祖義雲北齊度支郎中青州

刺史曾祖琰貞觀初并州白馬府右果毅都尉

集作右

左

衛郎將祖義蒲州河東令坐事左轉桂州歸義縣丞因

家于始安

集作寧

父誠舉孝廉高尚不仕公即孝廉府君

之子稟靈純茂姿性開朗亦既志學休有令聞雖在諸

生之中已有萬人之望矣夫忠有世善有元仁於其親

友于兄弟豈尚行所致其因心而然公之植身根萌素
厚操本制末何適非宜故為政之方所從來遠矣某年
初有御史將命黜陟幽明公時盤桓居貞未有攸往而
使者承式固才是求褐衣見召直繩斯委乃表公授梧
州錄事參軍非其好也先是剽劫在境行李所病綱佐
無幾逋盜肅然歲滿換廣州滇陽令事必簡舉人用安

某作
德

便莫不咨嗟未始見也尋轉韶州司馬其政如初

秩滿丁母

某作
內

憂公有至性幾於毀滅廬墓展哀泣血

扶病有加一等不唯三年嶺南按察使廣州都督兼御史大夫蕭璿彼孝悌之士也以錫類之故有嘉德音於

是版

一作
拔

補按察判官義行相成終始如一尤加欽重

持以表文勅授新州刺史屬恩州首帥日尋干戈將有
式遏寔資明允後按察使廣平郡公宋璟以公為五府
總管以甲兵戍焉雖臨之集無之
下字同以兵威而開之以恩
信俾忿鷙狼戾化梟為人廣平公深以為能奏假恩州
刺史俄又真授夷落大寧尋加朝散大夫遷端州刺史

居必致理莫匪嘉績并護之寄朝選以歸於是加秩中散大夫拜安南副都護致官未幾閤忽遷殂時年六十某年月日庚子歸葬於某山之原公內行無玷外物不干文非務華學皆為己所蒞數郡遺愛在人全已而歸可謂厚矣有子曰某銜恤終天愬哀遠日永惟稱代存乎幽篆銘曰猗歟畢侯濟源長流愛民于畢爰自有周彼美世載實惟孫謀賢哲繼軌斯其遠猶嗟彼懿宗是生孝友和實內積行非外誘家邦必聞人倫歸厚微此

令德夫豈善守亦既從政厥問載榮邑能訟息郡用禮
成蠻夷慕教鳴臬變聲九真副領萬里揚旌護彼絕域
義忘險艱提律未改載旒而還存歿之際忠孝之間徽
音無泯篆德茲山

福建觀察使鄭公墓誌銘

穆員

唐貞元八年四月十六日福建團練觀察使福州刺史
兼御史大夫鄭公薨于位明年孟夏己酉朔歸葬于東
都萬安山之南原龜吉筮吉即于人謀且曰前望先君

俾公之體魄列侍于後與茲山久還顧洛邑俾爾子孫
盈如市朝生沒於斯公諱叔則字某滎陽人自元魏中
書令周小司空金鄉文公穆凡五葉至皇朝遂州刺史
老萊代以婚姻德義俱為家法相授公則遂州之冢子
也未冠以明經擢第凡五命至御史府又再遷歷尚書
省以屯田員外郎介吏部侍郎李卿觀風之命議者韙
之李公出納稱職且多貢巖藪幽滯充于王庭繫公是
賴轉庫部相國王縉受居東之寄又資公以畫拜檢校

吏部員外郎使罷而真凡吏部分天下之疑折無文之

中

去聲

曰廢置清九流之路坦多士之門曰南曹公酌其

會通流守以貞固七考二職日新厥聞丁繼母艱免服
拜刑部郎中皇上即位思與四方萬姓垂家至而日
見之制臨遣八使必朝之良公為首冠清選分命于西
江閩越之地所至蠲疾所去遺利並命者取而法焉兩
河不開命帥梁汴所求卻穀之比為其中軍授檢校祕
書少監兼御史中丞克平軍節度副使之官拜御史中

丞廉問東夏俄領東都留守兼河南尹就加戶部侍郎
仍再位副相之寵持憲以清明律下牧人以禮讓和俗
保釐以威重懷遠寇不敢犯吏不忍欺扶危以安制動
以靜罷鎮歸省轉尚書左丞未幾兼御史大夫撫淮夷
反側之俗四牡蒞止萬人草心如風之清如雨之滌復
命遷太常卿國有大事主辦多儀加銀青光祿大夫轉
京兆尹理行三載惟遭權臣構愆貶永州長史謫去之
日京師鄧空巷隘車不得前怨咨之聲雷動天聽旋以

非罪拜信州刺史居數月又有四獄十二牧之換方以和風清德移蠻貊之風何斯人之幸與上天之祐較彼炎瘴而不勝焉夫人范陽盧氏著作郎侑之女也望申北州德成公家不幸早世事具前誌生一子曰約河南府洛陽縣主簿後夫人范陽郡夫人盧氏華宗美行與前夫人如一繁祉餘慶續公之榮生二男一女納前弘文生紳右千牛衛備身女未笄是日約前已曰奉范陽夫人命舉前夫人柩會公之喪禮也公之為德也溫純

深潤高厚博達文以禮樂本於中和犯不違仁愠不傷
善滔然如川澤無不容之者及其秉操厲俗好是正直
不畏非畏不疑可疑酷惡春秋之左一作巫疾陰陽之

拘忌嶷然如斷山絕巘不可以邪徑造乎嗚呼使公之
得志也天下之人非法言不言非大道不蹈此可以為
天子大臣未絕遑數其餘哉是以壽七十有一歷官二
十有八政朝仰故事人懷遺德門列朱戟家垂清風而
遊公藩者猶以不期願為嘆問神明焉約等以為哀報

揚名莫如紀述謂員昔備吏末嘗司斯文將期飾終何
敢廢職銘曰

嗟哉公居此室猗夫人會琴瑟萬安南山瑞氣浮洛陽
北闕家聲流夏千祀今日悠悠

陝虢觀察使盧公墓誌銘

前人

有唐貞元四年夏六月陝虢都防禦觀察轉運等使陝
州長史兼御史中丞范陽盧公壽六十中疾于位優詔
得謝家東都履信里秋七月甲戌終于其寢冬十月乙

酉歸于此堂禮也萬安之腹因山而封嵩邱伊流還帶
捧抱龜筮叶吉神宅是宜府君諱岳字周翰其先齊太
公之後公子高僕食采於盧因以命氏及自東漢中郎
植乃元魏秘書監陽烏第四子都官尚書道虔凡十葉
代代得祿其兄子思道所著家譜詳之道虔生齊左庶
子昌衡昌衡生隋澤州內部長寶素寶素生皇朝綿州
長史安壽安壽生汝州司馬正紀正紀生絳州聞喜令
杭惟是婚姻其類為義方相襲禮樂冠蓋侔其盛焉府

君聞喜之第二子也發地之祥鍾天之和處為孝而友
悌從之出為忠而貞諒從之施於事物為聰明純粹而
寵位從之天寶末擢明經調宋州襄邑主簿歷婺州夔
州二錄事叅軍以大理評事兼監察御史始佐湖南觀
察之政前帥常之晉倚之以清後帥卒京杲藉之以立
既真拜又稍遷殿中侍御史京杲入覲咨以留府時有
驕將數人京杲實父子兄弟之其蹈罪姦令率以為順
府君告之以刑辟明之以無赦而郡帥如故乃盡戮之

由是軍政理而庶政舉初朝廷之任京杲也以恩舊用
不責之以龍黃之績至是還之不可易之不能留之京
師以盡府君之美若是者五載累錫銀印朱紱金章紫
綬加侍御史建中初今上嗣位有自屬部謫官入為相
者謂公才膺方鎮受容府經略招討等使就加御史中
丞南越獷俗井稅之入鮮具其布帛之幅通流之貨悉
異中土府君以美利利之王制制之又每歲有西原之
警府君布政羣盜為人元年季春賦入貞元三年來朝

拜少卿監上以陝郊之守藩垣二京冠冕諸夏非沃心

之臣勿授前此元臣授之是為郡伯

今相國李公自中書侍郎徵拜

思

嗣其事重難其選府君於是乎有由衷之拜惟事小不敢不戒大不敢不懲日嚴祇恪惟新厥舊由是軍服其嚴明而報之以肅吏從其簡易而報之以理惜乎其自下車及遘癘不十月焉嗚呼有其才無其時之嘆不甚於有其時而無其命今之方鎮蓋唐虞四嶽十二牧之職而周漢股肱爪牙之任府君承堯之咨庸舜之俞累

分共理之憂方咨薄伐之効凌風拂翼徘徊於冥冥之
間何天奪上心而命孤人望是可以為嘆歟府君前娶
隴西李氏實姬姜之偶先春早落今也力不及遠未遑
合祔繼室以同宗同德而年位異之三子載戮一作
長齒未童幼哀及禮洎兄子嘉猶稟伯父永州司馬嶠
之命泣血襄事見託於銘詞曰世重五姓冠于百族倬
彼山川來宗嶽瀆帝慈蒸黎命分司牧慎選良臣俾之
戩穀猗歟府君受天之祿未見其止如何不淑邱隴何

所郊原重復瑞氣嘉祥於是乎育前川為陵北地為谷
世系德代於是乎獨

金紫光祿大夫檢校禮部尚持節度都督廣州
諸軍事兼廣州刺史御史大夫充嶺南節度
度支營田觀察處置本營經畧等使東海郡
開國公贈太子少保徐公墓誌銘

權德輿

公諱申字維降東海郟人五代祖周宣州刺史瓌瓌生

隋江州司馬宴宴生吉州太和丞仁澈仁澈生皇吏部
郎中諫議大夫玄之玄之生公烈考汾州司戶叅軍贈
信州刺史用仁義世其家諫議之文行信州之廉退及
公始大永泰初嘗疑著作賈常侍至操柄儀曹塞士林
之菁華舉進士上第調補秘書正字四征翹車相屬於
途望公舉趾以為重九江而西服嶺而南與朔塞被邊
之地聯為命介歷大理評事司直監察御史太子司議
郎殿中侍御史錫以章綬冀國路公之誅哥舒晁也公

以從事主謀居多嗣曹王之守鍾陵而誅李希烈也公以長史行刺史調州師以護饗道厥勞茂焉江漢既清拜韶州刺史先是長史不任職官曹弛廢刺史寓於理下邑之令丞與編人雜處比屋逋亡公田為蕪公乃假之耕牛賦與種食人人自占視其力而為之制歲乃善熟積為倉箱於是計徒庸程日力作為城寺大治垣屋廩置市列道橋器用皆備焉罷去之日夫家名數倍差於始至而不書于籍邑子張棣等五百人獻其理狀得

請於觀察府以函奏書請立碑祠公瞿然止之曰此刺
史職且一旦上聞與沽伐者何異所不忍為也府不能
奪改合州刺史以先濮陽郡太夫人兆域未祔表求改
葬總麻既除以御史中丞領景州刺史自兵興四十年
山東諸侯率强大驕蹇郡二千石多自命於轅門蓋縣
官息人含垢而因緣漸漬然也至是朝廷以滄州負海
勁兵攸處乃建節將幕庭裂屬城以制支郡會其帥亦
請缺守於朝朝論難之二府比推擇未稱因召公入見

而面命焉錫命服文馬緡錢五百

集作十

萬尋加節度副

使中朝之條職慮令始被于景人是歲節度使來朝既從父兄為代表公以本官為軍司馬陳情去職徵還京師復以御史中丞出蒞邕州領經畧之任開南蠻徼道宣明威信撞人黃氏納質請命化條風行擴俗以清明年中貴人持兵符詔書至部以御史大夫督南海二十一州軍事而節制焉前此守臣物故軍吏乘變竊發印符易置部校拔用惡少年百輩軍中幾亂相率亡命公

既至捕誅首惡悉原諸註誤者夷越負險阻白晝攻剽
芟夷根株使無遺類然後布以寬大人安作業溟漲之
外巨商萬艦通犀南金充牣狎至天子之恩澤賜予聲
明物采皆待焉上應急宣以馳疾傳下無強費用絕姦
利和輯招徠外區懷之則四封之內其理可知也朝典
疇庸進階至銀青光祿大夫時庸蜀未平公密疏請發
卒徒五千循伏波故道抵岷峨以會師期誅不恪詔可
其奏就加禮部尚書秩正三品疏封東海命書未及至

奄捐館舍遂以太子少保印授弔祠稱焉是歲改元元和公之生七十年矣嗚呼以文發身以智經物惠和直溫忠恪廉清佐賢侯長轂皆有理效在韶也興事功在景也脩班制朗寧察風俗南海整師律以命居六官攸好德考終命其蹈履之全乎夫人渤海高氏早歿繼夫人扶風郡夫人竇氏柔明有賢行嗣子右衛倉曹元弼似續文敏號咷毀慕以某月日寧神于東都偃師縣之某原乃刻堅石以傳永久銘曰

噫徐公有質有文有義有仁名聲章明邁群倫兮噫徐
公不忤不求不緇不磷贊佐四征暢嘉聞兮公之牧人
于韶于景于邕于廣朱輻照路利攸往兮公之愛人以
清以靜以惠以養流庸集附如景響兮如何不備奄忽
鞠凶著龜之同天地之中吁嗟乎徐公

中散大夫檢校國子祭酒兼安南都護御史中
丞充安南本管經畧招討處置等使上柱國
武城縣開國男食邑三百戶張公墓誌銘

柳宗元

漢光中興馬援雄絕域之志晉武一統陶璜布殊俗之
恩理隨德成功與時並今皇帝載新景命丕冒海隅時
惟長公祇復厥績交趾之理蜀本于前人公諱某字

作績

某某郡人也曾祖彥師朝散大夫尚書駕部郎中祖瑾
懷州武德縣令考清朝議郎試大理寺丞贈右贊善大
夫咸有懿美積為餘慶公以忠肅循其中以文術昭于
外推經旨以飭吏事本法理以平人心始命蘄州蘄春

主簿勾會敏給厥聲顯揚仍以左領軍衛兵曹為安南
經畧巡官申固扞衛有聞彰徹轉金吾衛判官二歷御
史績用弘大揚于天庭加檢校尚書禮部員外郎換山
南東節度判官復轉郎中為安南副都護賜金紫魚袋
充經畧副使遷檢校太子右庶子兼安南都護御史中
丞充本管經畧招討處置等使公自為吏習於海邦凡
其比較勤勞利澤長久去之則夷獠稱亂復至而冠攘
順化及受命再任

集作
專征

得陳嘉譽誓拔禍本約

集作
納

於

夷軌乃命一其貢奉平其斂施牧人盡區處之方制國
備刑體之法道阻而通百貨地偏而具五人儲峙委積
師旅無虞癸之呼繕完板榦控帶兼戊己之位文單環

王怙力背義公於是陸聯長轂海合艤艦兩集作再舉而

克殄其徒廓地數圻以歸于我理烏蠻首集作酋帥負險

茂德公於是外申皇威旁達明信一動而悉朝其長取

州三集作二十以被於華風易皮弁以冠帶化姦宄為誠

敬皆用周禮率由漢儀公患浮海之役可濟可覆而無

所恃乃剋連烏以關坦途鬼工來并人力罕用沃日之

大東成通溝摩霄之阻哲

一作祈非

為高崖而終古蒙利公

患疆場之制一彼一此而不可常乃復銅柱為正制鼓

鑄既施積

集作精

堅是立固圉之下若白黑易野之守險

逾丘陵而萬世無虞竒珠良貨溢於王府殊俗異類盈

于藁街優詔累旌其忠能

集作良

集作良

史嗣書其功烈

就加國子祭酒封武城男食邑三百戶凡再策勲至上

柱國三增秩至中散大夫某年月薨于位年若干天

子震悼傷辭有加明年其孤某官與宗仁

集作人

號奉裳

惟率其家老咨于叔父延唐令某卜宅于澤

集作潭

州某

月某日人謀皆從龜兆襲吉乃刻茲石著公之闕以至

集作志是

于邱寯以告于幽明銘曰周限荆衡秦開百粵交

州之治炎劉是設德大來服道消自絕伏波南征漢威

載烈宛陵北府

集作附是

晉政爰發我唐流澤光于有截皇

帝中興武城授鉞肅肅武城惟夫之哲更歷毗贊顯揚

彰徹既受休命秉茲峻節度其謀猷守以廉潔厚農薄

征匪貊匪桀通商物平

集作平貨

有來胥悅踐山跨海堅其

鶴列制器足兵潰茲蟻結烏蠻屈服文單剪滅柔遠開

疆會朝天闕銅柱乃復環山以砮

一作折

海無溝逆寇罔

踰越琛賫之獻周于窮髮帝嘉成德載旌茂閎增秩策
勲土封斯裂位厄元侯年虧大耋邦人號呼夷裔悽咽
卜葬長沙連岡啟穴書銘薦辭德音罔缺

宣州觀察使御史大夫韋公墓誌銘

杜牧

韋公會昌五年五月頭始生瘡名子婿張復魯曰三稚
女得良婿死以是託墓宜以池州刺史杜牧為誌復魯
曰公去歲兩瘡生頭今始一尚微何言之深公曰吾年

二十九官授秘

二字
作校

書郎時嘗夢涉滄水既流中有二

人若舉符召我者其一人曰墳墓至大萬日始成今未
也今萬日矣天已告我我其可逃乎謝醫不問以其月
十四日年五十八薨于位公從父弟某盡公功行以公
命來命牧牧位哭序且銘之公諱溫字弘育韋氏自殷

周秦漢邱明馬遷班固輩爭書其人以光其所為書至

後周道遙公夔出世家富貴

某作富貴

中隱身行道當其時

及後代論者以蜀嚴谷口不能為比道遙公五世生潞

州上黨尉贈諫議大夫希元上黨生吏部侍郎贈太尉

肇吏部生右補闕翰林學士右散騎常侍致仕贈司空

緩常侍生公於道遙公為九代孫年十一以明經取第

為太常侍奉禮部秘書省校書郎選判入等咸陽尉監

察御史公曰是官豈奉養所宜耶上疏乞免改著作佐

郎當貞元中常侍公事德宗為翰林學士帝深於文學
明察人間細微事事有密切多委之歲久憂畏病心帝
曰某之心我其盡之以致仕官屏居西集作四郊公蚤夜

侍側溫清飲食迎情致意一經心手積二十餘年丁常

侍喪自毀不欲生後相國李公逢吉以相印鎮武昌皆

虛上職書卑辭至門公起赴武昌命

集無命字

未至府拜監

察御史遷左補闕事文宗皇帝時宰相百吏願條帝功
德謨號上獻公獨再疏曰今蜀之東川川溢殺萬家京

師雪積五尺老幼集作多餓死豈崇虛名報上帝時耶

帝乃止遂訖十五年不答尊號事改侍御史尚書禮部

考功員外郎當太和九年文宗思拔用德行超出者以

警集作懼音義亦天下故公自考功不數月拜諫議大

夫名為翰林學士遂欲相之公立銀臺外門下拜送疏

入且集無天具道先常侍遺誡子孫不令任密職言懇

志決因命掌言舍人閣下公復堅讓不半歲轉太常少

卿一歲遷給事中皇太子侍讀公復陳先誠以侍讀辭

自宰相下皆曰帝以一子請教於公是宜避耶公不聽
凡拜送三章帝終不能奪靈武節度使王晏平罷靈武
以戰馬四百疋兵器數萬事去罪成貶康州司戶不旬
日改撫州司馬仙韶院樂官尉遲璋以樂官授光州長
史晏平以財膠賁倖璋大有寵於上公皆封詔書上還
上比論之公持益急竟以康州還晏平璋免長史莊恪
太子得罪上召東西省御史中丞郎官於內殿悉疏莊
恪過惡欲亟廢之曰是宜為天子乎羣公低首唯公獨

進曰陛下唯一子不教陷之至是太子豈獨過乎上意
稍平不數日遷尚書右丞朱衣魚章遷兵部侍郎函請
丞相願為治人官出為陝州防禦觀察

集無此
二字

使兼御

史大夫服章金紫回鶻窺邊劉禎繼以上黨叛東徵天
下兵西出禁兵陝當其衝公撫民供事就不兩告苦入
為吏部侍郎典一冬選老吏無所賣復以御史大夫出
為宣歙池等州觀察使賦多口衆最於江南公急惡寬
窮益自儉苦刑律其俗凡周一歲無所更改自至大治

公幼不戲弄冠為老成人解褐得官超出羣衆中人不
敢旁發戲嫚及為公卿在朝廷省閣中大臣見公若臨
絕壑先忖度語言舉止然後出發其所執持不可者筆
一落紙言一出口雖天子宰相知不能奪俯委遂之不
以德行尚人人自畏敬不施要結於人人自親慕後進
凡持節業自許者獲公一言矜奮刻削益自貴重官卑
家貧時主將家事在私門內高曾兄弟鐫琢集作誘嫁教
娶衣食無有二等疾甚將終悉召親屬賓吏稱先常侍

詩句云在室愧渥漏因曰今知歿身不負斯誠遂涕下
不禁當夫子世得七十子國小俗儉復有聖人為之師
使生於今與公相後先必有能品之者夫人隴西李氏
贊善大夫愆之女先公四歲終生集作生字四男長曰確前
國子監四門助教次曰璿前明經次曰環次未免乳女
子集無子字四人長嫁南陽張復魯復得進士第有名於時
為試太常寺協律郎鄂岳觀察支使其下皆稚齒相次

銘曰

德則至矣位其充乎如其充兮可大厥功以施生人天
先告之萬日之期天實為之

文苑英華卷九百三十九

欽定四庫全書

文苑英華卷九百四十

宋 李昉等 編

職官二

右庶子元府君懷景墓誌一首

太僕卿王府君墓誌一首

太子少傅李高墓誌一首

太子舍人王無競墓誌一首

太子少師崔景旻墓誌一首

右集作左

庶子贈幽州都督元府君墓誌銘

張說

維開元十年正月乙未右庶子武陵公河南元公薨於

東京留守之內館公諱懷景集作懷字某魏武陵王雄之

曾孫右衛大將軍胄之孫贈麟集作麟州刺史仁惠之季

子昔天啟水行君臨寰海雄圖長發本枝碩茂濟美象

賢流慶不滅集作餘慶不殞公受茲介祉誕膺淑靈幼有純至

之節長立公直之操學綜羣藝詞擅精微夫其結言以

信導物以德清儉足以軌俗貞厲足以矯邪故美暢於

中名揚於外弱齡某作冠以國子進士高第補相王府典

籤藩邸擇賢妙盡時選尋以內憂去職重補相王府叅

軍及明兩升儲作貞萬國以宮臣除太子通事舍人後

歷官至右司員外太子舍人比無此十二字天授中以親累除

名向逾一紀後除直羅溫縣二令雖大位未享通林必

大某作又初自太府主簿累入副卿河南椽曹克升亞尹

握蘭右轄綱紀南宮秉茲憲簡肅彼專席再侍儲華卒

踐宮相公執心好直履法斷恩觸雷霆而除惡不避也
枉絲髮而干譽不為也升降兩度出入三代克慎其始
終厥有成君子以為難允作其難矣及啟手歸全遺言
薄葬家無長物士伏其清年過懸輿人傷其天嗚呼哀
哉制贈都督幽州諸軍事幽州刺史賻悼之節優於恒
數明年二月歸葬于咸陽之舊塋夫人韋氏祔焉禮也
夫人即道遙公敬遠之玄孫左常侍希仲之叔姊集作婦
淑行無徵華年早世其孤彥冲等克遵遺訓靡所寘哀

說情睦外姻懷深國士既闕西階之奠遠投東武之詞
銘曰卓彼英運慶靈既長貽訓夫子體微知章在藝斯
博於欲則少徒文其中莫飭其表惟靜惟默不激不矯
時經三代官成兩宮化若風偃德如澤融邦稱其直朝
表其忠禮祔周兆墳瞻漢宮哀哀純孝長訴昊穹

太僕卿上柱國華容縣男王府君墓誌銘

張九齡

公諱某字某瑯琊臨沂人蓋王氏所由遠矣然其自漢

至今上下千載海沂為頌始壯厥猷淮水作禎克昌其
後繼跡台袞聯華牧伯君子躋其立言史官襄其行事
則已不無違德人以嘉聞圖牒粲然宜為冠族乃祖某
梁侍中尚書左右僕射安東亭侯高祖某陳度支尚書
曾祖太子中書舍人祖某皇朝吏部郎贈潤州刺史父
某官至洪州都督公踐脩軌集作業雅有名器性開敏
而達於從事才果斷而長於御下至於學以知古義以
隨時虛已存誠離經合道異焉而不傷於物同焉而不

害於正咸自得之務其大者儀鳳中初以門子選為孝
敬皇帝挽郎解中相王府叅軍換豫王府叅軍歷太子
通事舍人蒲州司法叅軍丁洪州府君憂去職喪踰於
戚行過於禮時其在疚哀能感隣服闕授相州鄴縣令
施於政也揮干鎔之鋒截無不斷展騏驎之足行無不
至以故言出有孚豈止於百里教行無類俄決於四封
邑人是宜輿頌乃作御史中丞張仁愿表公尤異帝用
嘉焉遷洛州陸渾縣令加朝散大夫寵其能也再有仲

由之善益聞考父之恭薄理我畿有加於鄴識者觀政
許其以後圖時輩推賢多驗之於晚節稍遷蒲州司馬
洛州長史蒲州長史三為郡佐一以貫之執心有恒厥
聲以茂雖祀祇之體素顧和之理識異代同官齊名比
義固無愧也俄遷隨州刺史趙簡始大列於諸侯張敞
有名擢為刺史賢明獨斷政教弘宣始為集作漢東之
美繼以巴中之異郡歷數四課常第一再遷集作遂綿
二州刺史先是俗苦利集作弊人盡流庸公亦來思撫

多梗

集作

集作

集作

集作

集作

集作

之如子彼得攸暨歸之如市行有餘力用不盡才驟遷
大都督乃拜相州刺史先是景雲歲我唐雖舊儀制惟
新置連帥之官贈監督之秩於是歷選列辟專謀用賢
且有後命而公為稱首遂作越州都督同京官正三品
連帥統察杭婺衢睦溫括集作撫非台閩八州長史集作吏已
上率由部案事雖竟寢議者終榮仍守越州都督加銀
青光祿大夫公素有行業集作盛名兼之寵數聞望而草風
必偃至止而蓬麻自直與夫任賢坐嘯勞心行部彼有



因而致此我無為而已然政之行焉若有神者徵拜雍州司馬頃之又正名為京兆少尹京兆者本公之樂土君已重世買臣還郡無矜於出牧張旣本州是榮於衣繡公雖作貳我亦為光開元二年始封華容縣男昭有德也其明年有制以公檢校太僕卿訓以六駟正于羣疑僕日加數馬之慎歲有展軫之勤無何即真可謂貴矣然公思報所受逾勵所行神明未衰志業不究春秋六十有一開元六年秋八月乙亥寢疾薨於洛陽之陶

化里第嗚呼哀哉朝廷傷焉賻贈以禮夫人范陽盧氏
不享偕老先時在殯其年冬十一月乙酉合葬于偃師
之某原却倚首陽前瞻洛汭豈伊瑕丘之樂並取邢山
之兆有子曰昊次曰昊泣血苦塊哀纏於遠日勒銘金
石義協於當時假以斯文為之實錄其詞曰有周之裔
居海之沂緒業惟永德音罔違貽厥翼謀俾其翰飛宜
哉世祀亦曰家肥其一洎我華容而今濟美四科冉季九
能魯集作魯非史學匪為人義如在已施於有政轡之柔矣

其
二 雉馴宰邑鷹揚佐郡五為刺史在邦必訓再踐太僕

厥庸迺奮今也則亡天不可問
其
三 神期永年禮先遠日

合如防墓開比滕室鶴弔人悲龜言地吉篆石泉戶與

山相畢
其
四

太子少傅李公墓誌銘

孫 述

唐之宗盟有若武都公者諱高
涼武昭王亦名高
天寶間方追崇
字某

太原景王之穆也淮安靖王之胤也姓族本系存乎帝

籍王之子曰虢州刺史諱某虢州之子曰鄭州生公世

載明德實維邦翰昔我高祖之造區夏也則淮安王掾
甲冑誅暴強以佐經綸之業洎我皇帝之垂衣裳也則
武都公秉衡石傳儲貳以弘邕熙之化允武允文同心
同德本枝百世不亦宜哉公應大賢之期含正氣之秀
弱而孤貌克自激揚六射五書包禮樂之羣藝九流三
變探古今之至賾生八年而當天授革命之事宗室懼
禍至乃不全艱貞保身以免於難久視之後密網少寬
公以太夫人在堂無底祿之養願辱身以報德豈養高

而循名解褐授荊州枝江縣丞維此之故也為賈尚幼薛宣有能深為州牧張漢陽所器重嘗謂所親曰唐宗

一日

二字一作室

千里吾見其人國未可量也神龍興復拜

通事舍人其後歷尚書工部司勳員外屯田郎中太僕衛尉太常三少卿汝汴二州刺史兵部黃門二侍郎太原尹太常卿工部尚書東都留守兵部吏部尚書太子少傅自枝江至於少傅凡十有九遷人臣寵秩備更之矣先是國朝舊制不以宗親任權開元以來內舉無避

唯善所親擢拜右職公為首也公體正心直色莊言麗
明而可畏寬而能服故所蒞之職必姦邪哀止禮義興
行國人宜之有由然也曩膺列宿迨亞象河當官而行
既立名跡及夫典汝墳之國為夏卿之貳天下歸最朝
廷讓能寵光大來公望首出矣黃門君之樞也公執事
舉直以替其否太原邦之扞也公滅私寬賦克壯其猷
六官之長是為人樞三命益恭遂掌邦理綜覈流品終
始七年凡所作法皆成故事其賞能拔異置彼周行者

可勝既乎上難其人公是以久而深煩職事累請歸閒
留侯有疾猶傳太子尼父不憊終姜哲人以開元二十
八年五月十日薨于位春秋五十有八壽不配德皇慈
震悼追贈益州大都督親親尊賢焉禮也其年十二月
七日葬於河南縣九嶺山之南原惟公以文學政事之
才膽祇庸孝友之德揚親有立身之顯何止能養執喪
有過人之戚匪惟率禮公兄曰昇弟曰暈兄愛弟敬夫
和妻柔閨門之間內外以正均養猶子不殊所生豈引

而進之乃因心則至公為居守也暈寢疾私第沉痾彌
年公損膳絕葷消形瘁色及病革之際冒禁而歸終以
為職守管籥不敢久留次長號撫襯雨泣還臺至性傷
人酸感行路昇之喪公也哀亦如之死喪孔懷其在是
矣所謂曾閔王生九宗之地邢茅為萬石之門蓋本乎
國風而為世範者嗣子造等八人無改於道聿脩厥德
永為罔極靡所寘懷以逖嘗忝使臣之戒且為冢鄉屬
久承話言猥託銘誌文仲事君之教何曰一作敢忘鮑

叔知我之恩曷其能報徒竭心於所事終有恨於斯文
其詞曰高陽之族才子克生禮樂為憲親賢是程六官
尤重祈父天卿二柄皆執理均政平汲直多病留侯強
起尚傳重明俄驚閱水泣盡遺愛感深知已銘德下泉
庶通神理

太子舍人王公墓誌銘

公諱無競字仲烈其先瑯琊人也因官遂居東萊自宋
太尉弘至棣州司馬偁十一世世濟其美不隕其名公

即棣州府君之次子也克廣前烈於昭令聞翩翩海瀕
焜燿京國夫又用三德正直居首子有四教文行為先
公蔚其文高其行據於直歸於正生而知之實稟其性
弱冠以應制擢第解褐授趙州樂城縣尉歷麟臺正字
轉右衛倉曹洛陽縣尉監察御史殿中侍御史太子舍
人神龍初坐以嘗詆權幸貶於嶺外終於廣州春秋五
十四工文則學必從之故登麟臺侍龍樓也好直則威
必濟之故吏京邑秉天憲也行高則衆必庇之故陷非

罪謫殊方也噫良工能為順君子能為道而不能為容
士師黜宣尼困屈原逐賈生憤公其近之矣初天冊中
公與故人魏州牧獨孤莊書念林胡之猖狂哀冀北之
阨隍誠以軍志示之死所客有薦其書者則天見而異
之有制名見驟膺寵渥相如之賦感人主未云速也迺
者恩澤侯張昌宗位極太官寵震羣后公著書東觀與
之聯事曾是貽籍未嘗暱就色莊見憚象恭益深長孺
之抗禮將軍曷足議也公嘗執簡中禁司察位班時三

事大夫有族談錯立者公進而言曰朝有著定所以道
威儀邦之具瞻所以昭軌物不遵不恭不敬不從其可
是耶則肅然就列次矣公之舉劾大臣庸可異也嗚呼
人各有能且猶不朽公則具舉其誰與京公生於齊長
於魏不忘吾黨常操土風嗣子某虔卜遠日奉成先志
以開元十六年某月某日徙殯於館陶歸葬於東萊之
舊塋書順也夫人范陽盧氏祔焉從周也窀穸之事可
無記乎詞曰

萬靈秀百夫特萬卷精多才克詩可興筆餘力人之望
邦之直何不仁俾大棘厄矣厲哀明德卜佳城于舊國
銘景行永無極

太子少師崔公墓誌銘

李華

聖唐祖宗重光丕變萬國玄宗肅宗今上三后繼明格
于上下其輔弼之臣曰趙公奉先少師之訓有大功於
王室少師諱璟字某清河東武城人也惟成於姜水
氏曰有呂德莫厚乎粒蒸民大庭之烈也勲莫盛乎除

暴虎尚父之明也讓莫大乎推社稷季子之高也丁公
之元子曰季克讓乞歸老於崔氏宜乎其盛也八代祖
元孫宋度支郎中以忠順烈見危致命夫人攜二子亮
敬默依夫人之黨挺志羈孤之中安親危窘之際亮即
公七代祖也八為尚書一為僕射孫肇官至中書侍郎
元子北齊安州愬管府掾諱道淹公之曾祖也生萬年
主簿臨沼令諱方騫公之大父也生武功主簿贈吏部
尚書諱貞固公之考也郎中省王侍僕射利主公中書

之名望安州之道德臨洺之愛人武功之體道荀淑之
盛德及子陳寔以素風及孫誠哉吾聞其語矣今見其
人也公孫抱太夫人終童幼武功府君逝根於至性毀
過乎哀鄉黨憐之皆曰純孝既除喪外從禮訓內積憂
慕啜菽飲水厲志讀書誦無遺文釋無遁義皆一覽也
年十七與親兄睽同舉明經調補梁州南鄭尉轉蜀州
晉原尉前後使臣表公第一遷大理評事親累貶利州
葭萌丞歷梓州鹽亭丞樂天知命貞獨自晦君子哉改

晉州司法叅軍政尤一道刺史按察使皆以上聞充河東支使畢尚書構為連帥也假公判官仁者悅不仁者懼遘厲終於官舍春秋四十權厝於山邱玄元廟西北原識與不識因不相弔時人之安放後人之不幸榮陽夫人鄭氏皇朝兵部郎中衛州長史玄昇之女吏部侍郎平章事惜之妹終京兆崇賢里權殯於長安東南杜陵原夫人鞠佩紛燧禮記內則婦事舅姑佩紛悅金燧以寧顏色澄曩酒以奉蒸嘗輔佐君子黔婁之室也撫導賢胤孟軻之

母也內訓傾謝婦儀無師嗚呼哀哉大歷四年龜筮從
吉嗣子圖尚書右僕射趙國公哀奉先少師夫人之裳
帷合祔於河南北邙山某原禮也趙公初為益州刺史
屬逆羯內向天下兵起至尊出長安避狄未有岐下之
都因奉表上迎保寧聖德遷為中書令翼大明復天下
肅宗申養玄宗申慈趙公之宣力也事今上鎮揚州為
吏部尚書左僕射崔氏之門公盡善哉洪河在北清洛
在南二室之下邙原高起是地也是宜君子幽宅寧於

斯永保子孫昌於斯其文曰翼翼孝嗣銜哀不言祇感
永斯常試討論齊為霸國鄭旬姬姜協德貽慶後昆在
昔貞烈爰有魏嶼播遷建都公將南轅造舟人便開漕
利源宜有令盾中書玉振安州榮道臨沼體順尚書葆
光公以德鎮既輸典刑亦清維晉天不我遺時將疇師
夫人之德柔善有則鼓鐘于宮聞于四國從夫訓子天
下是式不及劬勞趙公罔極克誕趙公蓼莪孝思奉若
先訓其貴如此今日之祿先人之慈保寧幽宅天地無

期

此是宰相崔圖之父贈太子少師元誤入宰相門今移於此

文苑英華卷九百四十

欽定四庫全書

文苑英華卷九百四十一 宋 李昉等 編

職官三

此下六卷英華所編
失作者先後今正之

姚祕監子彥墓誌一首 嚴庶子損之墓誌一首

獨孤大理嶼墓誌一首 蕭郎中存墓誌一首

仲員外子陵墓誌一首 權員外自挹墓誌一首

李司農銘墓誌一首

秘書監贈禮部尚書姚公墓誌

獨孤及

有唐祕書監永安縣侯姚公諱子彥字伯英其先馮翊蓮勺人也至高祖僧洪徙家河東祖思聰祕書少監父坦汝州梁縣丞贈祕書監忠諒孝愛寬仁愿恭質方氣冲天所授也而力行博學温故知新錯綜六藝公

集作同

詞賦初舉進士又舉詞藻皆升甲科尉清遠

集作苑

獲嘉

永寧三縣開元二十九年詔立黃老學親問奧義對策者五百餘人與今相國河南元公載及廣平宋少貞等

十人以條奏精辯才冠等列授右拾遺內供奉歷左補

闕當是

二字集
作于

時天下無金革之虞選多士命百官先

文行而後更事

集作
名法

而柱下方書南宮章奏主張綸翰

典司禮樂

集作
文

尤精其選非盛名莫居繇是遷公殿中

侍御史禮部員外郎禮部郎中知制誥中書舍人太常

少卿天寶十四年奉詔宣慰江東淮南覽觀風俗無何

二京陷覆太夫人捐館公外懼憂患內偃惇疾

集作內
纏惇疾

銜憤泣血毀瘠

集作
右隣

滅性乘輿反正公過

集作
適

外除拜

太子左

集作右

庶子于時迍難始康百揆草創官復其職

人亦求舊俄又授公中書舍人禮部侍郎光祿卿左散

騎常侍加銀青光祿大夫復知制誥廣德二年授祕書

監策名事君二十有七年文學一紀羽儀三朝凡六蹈

瑣闌三掌訓誥四居禮官一典祕書其遺塵餘跡周遍

臺閣言行事業著於天下

自策名天下五十一字集作以儒行懿德策名三朝遺跡

故事周

資忠體和惟道是居正身奉上中立不倚恐懼

戒慎形于隱微故遭值傾否出入夷險而未嘗有悔名

與身偕中庸

集作德善

是依明哲以保故也享壽七十有八

大厯二年四月某日薨于位五月某日詔贈禮部尚書

知者以為壽富康寧攸好德考終命洪範謂之嚮用五

福而公居四馬以清儉貽厥子孫故所不至者富馬爾

非明德介祉何以享茲有子曰驍曰驥曰驂曰駟曰

集作

四曰驕號呼

集作于

昊天痛欲報之罔極也銜恤問禮泣

血襄事十月丁酉卜兆北原惟盛德與公器若東川

集作

川之無還垂芳如之何刻石

集作名

墓門其詞曰

集作云

恂

恂祕書蘊粹舍和服膺孔門行登集作隣四科遭時之康

天下未匡集作光出奮羽翰翱翔慶雲晚遇中興貴德尚

齒公秉懿範入作卿士逮事三后出入二紀典禮司書

媚于天子居貞保儉與祿終始鬱鬱佳城光烈遺美集作

烈烈餘美日月有逝令聞不已不集作無

銀青光祿大夫太子左庶子嚴公墓誌

前人

皇唐太子左庶子河內縣子馮翊嚴公諱損之故都督

洮州諸軍事洮州刺史協之孫縣太常少卿方約季子

中書侍郎挺之愛

集作無

弟家之慶天之休鍾于公躬故

其德備少壯

集作仕是

昌世遇權臣惡直故官不登三臺晚

值多難安貞不競故位不過郡守宮尹前後羽

集作左

兩

衛叅四府領二縣典七州再入石渠三登

集作升

龍樓凡

處任十八享年七十六未嘗以利苟合違道從欲用之

則行見幾不俟忠信是履

集作動靜

勞謙有光廣德二年六

月二十五日終于襄州

集作湯

是歲八月權寔楚山西原

冢子曰武官至江陵少尹不幸道夭仲子曰士元由殿

中侍御史為尚書虞部員外

集作比
二字

郎少子曰士良秘

書省

集作領
祕書

著作郎悉能幹父盡懿文德取公器他日

獨立訓所至也大曆三年歲次

集作
王

戊申五月二十九

日反塋洛陽先塋禮之至也宗人故太常卿向嘗狀公

往行貽諸有司謂公外寬內剛廉正篤敬溫而不厲直

而不輕

集作
評

學究源本行有枝葉故具適道求友莅職

任事覈其實不居其華初公宰汜水也以莊明慈惠為

政汜水之

集無此字

人不敢欺而戶口增倍獄訟衰止御史

中丞蕭隱之以狀聞公是以有著作郎之拜其後歷太原上谷弋陽餘杭丹陽雖風俗殊異治效如一不曰才乎公在清池會安祿山與當國者交惡公曰難將本矣遂移疾請告姦黨惡之是以有弋陽之貶貶之明年河北為戎不曰智乎涉艱患不辱身踐祿位不徇名居義處順動罔違吉不曰貞乎嗚呼榮問素業與時皆逝可稱也而不可追也今採其實錄刻石示後蓋欲報罔極

者之志爾

集作云

其詞曰君子之道容民和

集作畜

衆公宰

二邑二邑無訟與國共理惟二千石公七剖符七著成

績乃師國子司成望苑考藝校德以弼三善中和其心

正直是踐道亞羽翼名掩春華忠以事君孝施于

集作於

家祭祭令子鮮侔晨葩若何不弔盛德既喪音徽永沫
士友孤望千載九原遊者悽愴

大理少卿兼侍御史河南獨孤府君墓誌

前人

府君諱嶼河南洛陽人也漢世祖光武帝第二子沛獻
王輔之昭也齊臨川郡王河南道行臺僕射洛川刺史

永業府君五代孫國朝明威將軍文慧

集作惠

府君第二

子越州都督浙江東道觀察處置使

集無此四字

兼御史中

丞右

集作左

金吾大將軍峻府君之季弟也聰明仁恕專

直寬信擾而毅溫而厲弱冠筮仕以藝即戎藏器安卑

非其志也天寶十四年安祿山反朝廷以淮服

集作海

沂三吳咽喉宜擇良佐以貳藩鎮命府君為泗州長史

無何換徐

集作除

濠二州倅戎備叅吏職忠毅

集作敏

肅給

所屬繫賴御史中丞崔公昭之尹河南也盛選僚佐表

府君為太常丞兼殿中侍御史營田判官使罷轉湖州

別駕大歷五年崔公受詔持節牧宣歙池三州君復為

從事以太子右諭德兼殿中侍御史遷大理少卿兼侍

御史方謂宜民宜人祿與壽俱遭命不淑春秋五十九

集作五

而歿是歲大歷九年三月二十四日也夫人隴西

李氏以栢舟之誓提携諸孤某等奉府君之喪言歸洛

陽某月日遷

集作此字

寔于某原禮也府君少孤奉事兄嫂

以友悌稱在家在邦言信行果居官祇事強志能力及

其冠法冠佐大府君上以勤恪

一作勲畧或作勲業

周爰成務下

以勞謙明誠應物和禮正家敦睦姻族自踈及親必慈

必愛而命不我與年未下壽夭是極

集作天其掾

嗚呼哀

哉初府君之金吾伯兄擁旄江

集作浙

東也拔崔公於郤

吏人之中升為軍司馬推誠委政之分猶晉得韓厥宋

得子罕及中丞之開府辟掾府君為首既而府君之喪

也中丞哭之慟贈賙給加於人二等由是稚子孀妻得奉喪而西三月而葬禮無違者賻布之餘足備祭器君子謂金吾之明哲貽厥兄弟宣州之交情見於死生知己之道斯其行者鮮矣及敢不直詞書仲父之美於墓石其詞曰叔父懿德承家令儀慧伯集作惠迪哲兄踐脩靡違私治於官發跡淮沂及佐皇華亦繡其衣天子命我再叅軍機駱馬驛驛集作單所從其誰顯允崔公為諸侯師府君委質咨諏載馳式壯其猷耄未及之陰陽為寇

子鵬一作鵬語集作洽非期昔也陟岡哀哀永思今也還真匪

公曷依伯兮叔兮今乎已而他年九原公誰與歸

尚書比部郎中蕭府墓誌銘 元 載

嗚呼蘭陵蕭君蘊賢人之業藏佐世之器大君未盡其力生人未享其福鍾厲遺痾殞靈休時哀哉君諱存字

成性梁武帝季子一作弟鄱陽王恢之裔五世祖唐刑部

尚書生雅州都督左衛長史元泰長史生密州莒縣主簿旻主簿生揚州府功曹頴士頴士字茂挺特達聰明

叢于上才以詩書禮樂皇帝王霸之術為已任開元中
進士擢第靈鳳神龍煥乎文章高價風馳撼動八荒是
時颯颯昂昂賢雋之士揖涯岸趨問望如百川之委溟
海群山之仰嵩岱君即功曹之子也稟乾坤清粹之氣
聚而為德義散而為制度行可以輔教才可以拯時大
抵根儒術尚名理言喜人之善鋤人之惡其餘九流百
氏質文沿革雖千古曼絕如以眸子視左右掌也大歷
初與昌黎韓愈天水趙贊博陵崔造素友善齊名李大

夫栖筠領浙西掇華川楚遂奏授蘇州常熟主簿顏太
師真卿典吳興纂文編韻延納以脩術疑之任宰相劉

公晏司轉運與能咨畫奏授左金吾衛兵曹參軍明年
遷廷尉評建中包諫議佶掌鹽鐵聆風欽舊奏授監察
御史明年轉殿中侍御史初御史大夫張滂董戎天子
俾君留務于上國主計者張權侵官交關有司君不阿
撓庭辯可否哆南箕燭光芒繇是愁憤乞守外職竟罷
歸潯陽君有草堂在廬山下紫霄峰晚節學長生得蟬

蛻之味每天氣寥朗神有所詣輒駕紫騮携酒壺學業
同紫府之客恣遊其下弄泉坐一作改石不記早暮無幾

何登黃石巖之絕巔谷颺颺丁毒腑藏右體麻痺不仁

雖藥膳充席疑岐和疊跡不得施其力焉春秋六十二

十五年冬十月五日遘疾十六年冬十月五日卒于潯

陽湓城之私第遂以是年十一月十二日權窆于承仙

之西岡未克塋于臨汝故也嗟纓紱一作晃之沉淪痛環

壁之破碎悲豫章之摧拔莫不驚惋惜怛嚮風淒歎焉

夫人河東裴氏王父璉越州倉曹叅軍皇考光輔蘇州
吳縣丞資淑和之氣承禮義之訓陰範內則璨然有光
有子四人曰夔曰東曰奐曰愿咸端素溫良克荷家聲
吞茹荼蓼若絕生理今相國齊公杭河南尹張式給事
許孟容鄭郢州正則兵部楊郎中馮馮弟吏部郎中凝
盧補闕景亮陸殿中禮投分許與期於莫逆衆君子振
鱗奮翼日薄霄漢君未中壽獨歸泉壤匣有豪曹歷有
飛黃不發不馳埋骨摧銜可哀也哉相國於君有死生

之交情至於塋舊鄉撫稽紹蓋餘力也足以慰其精靈
焉載後學小子日遊於藩故遺芳盛烈備得詳悉見託
誌錄銜酸為銘銘曰

崇山鬱鬱連西岡青龍白虎為壽堂靈其少安樂且康
旄頭不明歸舊鄉

尚書司門員外郎仲君墓誌 權德輿

君諱子陵字某其先魯獻公仲子曰山甫入輔於周食
菜于樊其後魯有季路衛有叔圉用儒行政事代為家

法魯祖訾始自彭城徙于蜀都祖襲博究六藝州閭推
重考遠清靜寡欲理老莊之言三代曠僚純白不耀君
州歲好古學與同門生肄業於峨眉山下採摭前載可
以為文章樞要者紬繹區別凡數十萬言大曆十三年
舉進士甲科調補祕書省校書郎歷同官醴泉二縣尉
貞元十年舉賢良方正拜大常博士轉主客司門二員
外郎十八年六月乙巳疾寢歿於靖恭里第享年五十
有九君脩身愨固為學精力其初典校有詔百執事詳

定冕服炳然上奏得禮之中再仕向內皆參奉常論議之務后蒼二代曲臺石渠之論乖疑難正者咸折中焉有司請正太祖東嚮之位而祧獻懿二主議者云云君議畧曰九聖在天二祖在祧國家卜代及年未始有極宜立定制為萬代程請遷二主於德明興聖廟詞甚切正後以異論紛紛又著通難一篇引經據古諸儒不能屈雖留中未下而知禮者直之為郎三歲受詔典黔中選補賦祿清平南人悅焉皇皇者華道於故里里中人

以為榮觀復命踰年稍進郎位循性詣理恬於聲榮賸
然放懷以馮唐顏駟自況脩詞甚博推本六經賦詩類
事往往有卓異不羈之韻遂於禮服上下古今儀制著
五服圖十卷自為一家之言起庸蜀諸生以文義自達
至禮官元士三登於朝講議洽聞不疲不踰與夫憑覆
露乘地資而至大僚豐祿者難易殊矣子雲耆老相如
多病內外掃之日圖書罇酒而已升東榮而復者假他
人之室可悲也夫其發嗣郢王之藻女宗室公宮稱其

賢淑生一子頗幼學而孤卜七月甲申寤於萬年縣之
某原某里命也德輿常集作嘗忝知君用深怛化遺孤哀
請因直其詞銘曰

噫仲君直而文心秉彛學軼群富宏議暢嘉聞中止水
外浮雲理冥冥化沄沄刻圖石識幽墳

朝議郎行尚書倉部員外郎集賢院待制權府
君墓誌

公諱自挹字某天水人其先殷王武丁之支

世系表權氏武丁之

喬孫因封命氏楚遷於那處秦徙于汧隴綿代多才繼有
勲力四代祖龔慶周開府儀同三司相定冀青殷五州
諸軍事冀州刺史齊郡公魯祖武隋開府儀同三司浙
豫柱三州刺史潭州摠管始平郡太守右武衛屯衛二
大將軍天水縣開國伯考無悔奉朝請大夫晉州趙城
縣令公年十四太學明經上第因喟然曰學不足以究
古今之變而干祿者非吾志也遂蒙養於終南紫閣之
下窮覽載籍號為醇儒非其道不合非其人不自歷南

和寶鼎二縣尉天寶中河湟之間踐更以禦寇平糴以饋軍皆以御史董之聯辟從事既而幽陵兵興二京震蕩縉紳之士多在劫剝中公艱貞終吉盜不能汚尅復之歲制授醴泉尉尋攝監察御史充河西隴右宣尉使崔中丞伯陽判官輅車所履人誦其惠歲中崔復命遷左馮翊表為祠曹且佐州師朝廷以公文而無害特拜監察御史謙以自牧換大理寺丞學該今古加集賢院待制識通理典遷尚書倉部員外郎大曆五年春感風

疾請告十有二月終于布政里私第享年七十惟公得
大易之含章中庸之居易知前古之善敗稽六學之義
類靈龜恬然天爵自貴夫如是則通籍書殿起草中臺
於諸生不為不達而充公之量則未也與故王右丞維
今歸尚書從敬為文雅道素之友其餘或不踐其域故
知我者希夫人太原王氏監察御史造之孫也鄆縣令
侑之女淑行明德輔于公志叢是福履近于期頤公之
喪既除二十三年而夫人歿壽九十三時貞元十年十

有二月也嗣子某某官次子某某官等皆以舊德蕃祉
參居吏員盡厥誠信貞於龜筮以十二年十月祔塋于
咸陽縣洪瀆原禮也以德輿諸孫之列習于舊史郊子
之學誠慙古人滕公之室敢識幽壤銘曰

周隋之間受封於齊代有武功抑抑倉部德音不回謫
然儒風考正圖書彌綸憲章其道昭融黃裳之吉大雅
方直位則未充惟此令德與彼內則委龢而終咸陽古
原祔窆雙兔淑聲無窮

金紫光祿大夫司農卿邵州長史李公墓誌銘

前人

公諱銘字某不書州里尊宗室也初景皇之支啓封于
蔡繼別為宗厥後多材皇襲濟北郡公孚公之曾祖也
隴西郡公津容公之王公也濟北仕至國子司業贈太
僕卿隴西仕至慈衛汝邢青五州刺史終永王傳以至
烈考愴歷監察御史殿中侍御史尚書倉部員外郎累
贈職方郎中虢州刺史公即虢州府君之第若干子也

憑是積厚叢生福祉少以門子入官聯調兩官環列之
佐次補伊闕丞是歲天寶十四載也虢州捐館幽陵兵
起茹毒遠難南浮江淮既除喪宣州觀察使鄭炅之表
為廣德令時劉展阻命東方愁擾閭里制於崔蒲守臣
化為寓集作寓非公而公之縣鄙連亘山洞盜有陳庄陳五
奢者是焉囊橐攻剽相因炅之跳在尋陽牒書密至署
為上介俾輯輿師靖綏攘遣人用寧舒後歷揚州太原
二紀綱掾府之損益皆所關決執法殿中佐戎北門會

罷使至京師獻狀居最拜奉天令有命成城績用居多
未踰年遷侍御史充宣武軍節度行軍司馬時師帥以
睢陽及譙進律開府韓厥之任朝選為難蓋以彌縫左
右非公莫可最凡三為尚書郎四兼御史中丞以銀印
青綬歷官相常伯之重府遷大梁職尊統師集作帥公皆
以師武從之蓄資力以崇威望宣忠勞以弘班制居則
持重戰則有功無細無大繫公謀是賴雖羊舌職之聰
敏肅給鐸遏寇之恭敬信強無以過也貞元二年徵拜

右

集作左

庶子三年復以本官兼御史中丞充入蕃使尋

兼御史大夫行次回中察其陰詐奏

集作察

疏累陳不可

莅盟之狀時朝議已行謀塞不用既而戎人衷甲急變

上聞乘車東轅獨以智免以久次遷衛尉卿秩至

集作以

金紫乃命大司

集作司字

農為國之泉首公脩職惟直是視

無所阿附終用蔽傷左遷郡州長史以十三年十一月

寢疾終於

集作于

所莅之官舍春秋若干唯公開敏毅直

信兼仁勇有政事方畧長於理煩遠而不泥文而無害

始以通邑行師振其名聲交辟元僚翻飛清朝腰金鳴
玉法象河海議者謂藩垣京轂公宜居之終以當官有
守寧絀不苟不為利疚於回鬱埋下國以至大病斯可

嘆已夫人范陽郡夫人盧氏某官某之孫新安丞某之

女華宗淑問光輔閨門無詒離集作無攸遂內姻外戚

仰其徽風先于集作公二年而歿長子元亮以武畧至

御史中丞不幸早亡次子元道以吏才為大理司直兼

監察御史叅陳許軍事次曰元規進士及第蓋屋縣尉

次曰元會前右金吾衛兵曹叅軍元簡江陵府叅軍元

舉太原府叅軍元衡元弼

集作元弼元衡

元輔等皆幹蠱知方

儼然在疚考於象數先遠得吉以十四年某月日奉公

夫人之喪祔窆於伊闕縣萬安南原先公之兆域禮也

德輿王公族之出也先人於公為中表昆弟羈貫獲見


始四十年元道等泣以墓石見託雖文之鄙朴而不敢

辭也銘曰

抑抑司農系于蔡兮三珪再踐宜方大兮心廣體胖道

將泰兮中立不回官左退兮登書問鵬禍所會兮撰日
煇龜紛祖載兮萬安鮮原風雨晦兮鏤此貞岷壘之內

兮



文苑英華卷九百四十一

欽定四庫全書

集部

文苑英華卷九百四十二至

四

詳校官庶吉士臣龍廷槐

助教臣常循覆勘

總校官進士臣朱鈐

校對官助教臣蔡鎮

謄錄監生臣張仲芳

欽定四庫全書

文苑英華卷九百四十二

宋 李昉等 編

職官四

李少卿條墓誌一首

張監察衆甫墓誌一首

王大夫珙墓誌一首

盧賓客正己墓誌一首

李贊善墓誌一首

常員外墓誌一首

朝散大夫守司農少卿賜紫金魚袋隴西縣開

國男李公墓誌銘

權德輿

公諱條字堅後以字為諱淮安靖王贈司空神通之玄孫也鹽州刺史孝銳司空之昭也弘農太原守璟鹽州之穆也太子太傅贈司徒齊物公之禰也尚書左僕射贈司空復公之兄也代以忠厚而膺爵命勲藉吏部皆冠宗室公秉是慶祉生而朗邁弘毅䟽達方庶孝悌學以遜志文而無害始以門廕叅調三命官至廷尉平

集作

評

明清閱實適其輕重改宣城令滿歲受代縣人以理

狀乞留庶車上聞詔可其奏且加大理司直從人欲也

縣鄙之南水泉委匯每暑雨流潦

集作淹

輒傷大田公乃

峻為之防悅使其衆人就安利稼皆登成大厯中鄜坊
節度使表為上介遷監察御史殿中侍御史權策畫一
以咨之成師足食邊備益固使罷除昭陵臺令貴強沓
貪奸冒法禁公職在充奉露章以聞已集作已非為巧言所
中坐貶建安尉在途累疏詞理劇切上覽而直之罪人
就誅方議率復屬太夫人棄敬養貞元初移蘄州長史
尋徵還京師執事者銳意引重公亦啓心獻納會一人

有漢宣共理之歎拜泉州刺史泉人宜之入為宗正丞

時卿長與其貳不相能告訐之書紛然交倅

集作
文訐

詔公

平之皆得其中自後屬籍疑讞顛其聽斷兩造以明九

族以和九年授果州刺史先是理下無解署官司無令

書節用量

集有
度字

功經構講聚百堵乃興九章粲然政用

樂易人皆輯附居部明年有女道士謝氏白晝上昇優

詔嘉異州閭咏嘆十一年以課最陟為司農少卿國泉

邦用精力區處利病陳聞靡不纖悉十四年宸心憫雨

比屋艱食出其陳陳以活元元又百吏之祿廩以粟易
幣則輕重相準而便於人皆自公發之也公稽覽故志
通練程品嘗獻軍國便宜五章推理道以及人事其他
奏議皆附經術有蹇蹇周易匪躬之操焉渥澤日加方
厚其屬任而才命相戾末如之何十五年三月乙巳以
疾終于勝業里私第享年五十九夫人滎陽鄭氏某官
某之孫某官某之女姿操柔明先于公若干年而歿乃
者以公之勤追封滎陽縣君其孤曰昌舉進士甲科淑

行至性公族稱其有後以其年五月甲寅龜筮襲吉血
涕奉喪祔塋于萬年縣某原先公之兆域以德輿獲詳
踐履俾篆斯文其銘曰昔有靖王愍策司空至公父兄
亦命三公公族家代車服以庸允矣司農直方懿恭行
惟遜悌仕乃廉忠利及剌鍾輕翰翔風時方大來命則
不融柳車遲遲棘人充充如履厦屋歸全舊封圓石篆
銘永識于中

監察御史清河張府君墓誌銘 前人

君諱衆甫字子初清河人曾祖尚皇海州司馬祖弘藝
皇兗州曲阜縣令考隱皇淄州司戶叅軍早為諸生能
以學行自力寬廉而溫朴厚而文易居向晦固窮不變
故年過耳順而方脫章甫冠惠文示不苟也初為轉運
司所辟解中太常寺太祝轉河南南府壽安縣尉罷秩歷
年僑居雲陽時以緣情比興䟽導心術志之所之輒詣
絕境間以羈旅游京師卿大夫聆其風者方以聲韻屬
和不暇會淮寧軍帥之始至也眷揀僚佐求仕於朝朝

賢多以君為才辟書荐至俄拜監察御史且為從事謹
言幕畫舉無違者徵軍實於廣陵因涉江省家道病沉
痼不克復命以建中三年三月日至家而終享年六十
八夫人汝南周氏先於君歿其孤曰實曰宇年並孩亂
未勝線經歲以某月日權袒焉嗚呼貴仕眉壽或與令
德不并此昔賢所以為歎姑以景行茂實責于黃泉銘

曰

洪範之義享用五福展如之人宜荷百祿嘉言婉婉則

罔攸伏既鐵其冠亦朱其服浮休云云歸全還真喬木
荒墳于嗟乎張君

御史大夫王公墓誌

常 衮

尊主直人則醜正者售禍權侷才忌則害能者構忤况
位抗三府勢傾一時天下之事懸在掌握而剛腸立朝

鷲鷲橫秋

一作
駢

匡拂摩切姦邪是懲至使陰謀協比承

間竊發曖昧摧辱加於大臣公諱鉞太原祁人也昔在
玄宗之盛外攘獯戎內立制度混一天下圖萬世安至

于軍旅征伐府庫賜予聲明羽儀禮文憲則莫不懿鏘
震曜龐鴻精備國用荐費闕於經入固宜有卓立大才
統集其事公當此時以御史大夫領京兆尹佩帶使印
十數焉黜幽陟明考察風俗地征國賦均輸一作平準

天子六閑上林三官皆總制之未央前殿離宮下苑亦
護作焉公以典訓經之文法締之明察網之庶平紀之
其運也合變陰陽有以鼓其動其密也至精鬼神不能
窺其隙銜策害郡之黠鈐鍵多門之蠹裁兆物計億事

沛有餘力矣動一節搃百支無所竄情矣故威檢穀下
風清關右紅粟冰紈露積朽腐星精雪駟外廐填溢廣
靈囿之百里奉祈年之萬春漢家水衡少府錢四十萬
至是而過之俾我巍巍之朝四海雄富丕變於太公之
力焉入則轉移大謀出則平決群議天子垂拱於旒宸
宰臣高抗於廟堂時佐輔陳希烈忌公有宰相噐憂在
移奪又揚國忠與公權勢相傾事不兩立會有克人邢
宰唐書陰聚姦黨於長安里舍中公以京輔都尉之卒

逮捕悉擒詔公與廷尉雜理而希烈洎國忠使法吏以牘背喻風指於克首引公愛弟錡連坐公具表其狀請自拘於司敗上以罪不相及猶遣使慰厚之而沉猜罔上者密白而下其書舊制大臣不對理陳寃天寶十一年四月十三日奉餐纓盤水北面拜跪而自裁妻子移隸宅于荒服嗚呼歷觀憂國愛君之臣忠信未達而左右所鞠按成其無狀之罪豈勝言也則王章晁錯納忠漢朝衣冠僂於都一作東市家屬徙於合浦古人有言曰

刑罰出於身實難自他及之又何害也知我者其天乎
公始以茂才異行首於策詔凡四佐王官之邑七領憲
府之命一至殿省再遷臺郎大司空大司徒各一官族
德政燕國公張說已叙於烈祖之碑夫人河東郡夫人
薛氏存與其榮歿與其辱南北萬里流離十年飲恨餘
生以存宗祀以大厯三年五月終于某所嗣子稱以不
天之釁承覆巢之餘遷逐炎海幽寃霜露家未悔禍慈
親凶歸生人之難無稱之比永惟先君及難塋故有闕

泣血忍死獲終哀誠以大厯五年三月二十一日合祔於中書皇考真宅之次相國許昌公嘗感府辟緬然懷舊改贈移寢周於庀喪有以見京兆知人之明許昌報德之厚衮追叙遺烈亦門生表墓之禮銘曰

知者謀始不能知終明者察微昧於數窮任我以事效我以功吉凶悔吝生乎其中無象無端茫茫蒙蒙伏恨黃墟孰問蒼穹小君從祔松柏來同

太子賓客盧君墓誌銘

前人

上於大臣存歿優禮若忠厚篤敬勤勞有勲則錫以追命之冊延曜耿烈使之昭也大厯五年七月癸酉制故太子賓客盧正已可贈太子少保昔唐虞之際龍作納言咎繇弼刑其在周漢申伯于藩南邦召公宅師東郊四皓輔翼太子公嘗拜蜀郡長史成都尹劔南節度採訪等使大理卿刑部侍郎工部尚書東郡留守太子賓客悉更乎明哲道德有馨香於前世之臣所任也才難不其然歟公之作鎮也玄宗自省方復雍以千官六宮

南北軍之從留蜀殆二年矣而元元給輸費苦以公往
典通義唐安二郡以理平遷通州刺史七州採訪禦使
課最遂止輦草詔而命之翼勤則黜幽化源以清則群
服庶尹執事之人不欺矣糺逖則攝懷亂畧以寧則蠻
夷君長異姓侯王從乂矣匡困則資無繇賦既平則鰥
寡孤獨廢疾者知所養矣旌德訓農禮讓大行則三老
孝悌鄉嗇夫知所勸矣公之議刑也先帝以天下初定
禁網踈闊朝廷郡國廢革舊章於是草具科條制刑錄

三卷以成後代法程無爽悔無佚罰矣公之居守也自
邊騎入洛三川大殘長樂衛尉悉無官守中臺文書盡
成灰燼而白晝大都之中剽吏奪金殺人橫道河南尹
不能禁公以明恕清汙俗以淳和消沴氣禮新序舊士
庶欣欣勤懋郎吏增嚴屯校日引月長四方人大和會
翼翼之頌復覩于京師矣公之調護也儲后方建廸簡
首僚以孝友閒博通明道術而保奉之夫大賢濟時而
不獨善大才當事而不辭難凡所任遇皆以國之艱急

帝所親信而在厥服也始以經明四佐大邑三歷京祿

五遷藩鎮三踐臺郎一處右轄再兼中憲以至於九卿

元戎師賓居守小司寇冬官卿公字子寬本諱元裕

元裕

改名正已查宰相世系表
乃以為兄弟二人恐非

以聲協上之尊稱時方大用

優詔改錫焉曾祖君曾號州叅軍王父貞慶

表作貞松

高尚

不仕烈考履冰歷左補闕皆純古

尚書作純佑

秉哲本經輔

行德類賢續以之長世公含精於天性之道用晦於先

物之智洞於學炳于文慈惠而厚汪汪洵未嘗簡彝

不校其犯祿及踈遠家無長物在貴居陋樂而不更春
秋之饗僅致君昨賓客之位適容宴豆漿藿未厭于家
食稂莠不充於馬餼及賜告得謝安車東歸天子老臣
優游惠養早達玄理迨茲逾深追贈之年二月既望疾
甚不弛冠帶安坐超然越二十一日甲申薨于東都循
善里之私第壽七十有九夫人滎陽郡鄭氏禮義風教
鄉族宗焉澹忘物還靜與真會公一其高尚偕其貴壽
亦古人之所難并也公薨之前祀八月七日終年六十

有五權厝于新安縣龍澗原近先塋也將祔而定壙有
伏泉改卜靳塢北里重岡之陽吉六年二月己酉乃塋
是以緩嗣子前祕書郎兼監察御史翰一身主祀泣盡
形遺親友所憂言之感涕永惟先公夫人嘗有升堂之
拜纂揚風烈非小子而誰銘曰

五侯九伯太公征之大輅龍旂桓公受之子子孫孫勿
替引之前人光明我公昭之天子作師我公師之懿德
顯猷永世則之

贊善大夫李君墓誌銘

前人

太上立德我咎繇謀之太極至道我老氏明之施于子
孫令聞長世盛衣冠於鄉族傳帶礪于侯社西涼有武
昭之諡後魏有姑臧之封祚于我唐親則同姓門閥清
顯冠於人倫婚姻所仰齊其大也朝位所推滕其長也
君諱某字某其先隴西成紀人也曾祖玄道皇朝秦王
府十八學士給事中銀青光祿大夫常州刺史祖正基
皇太子舍人父犯肅宗廟諱皇膳部郎中淄州刺史文

章侍從給事黃門官品第三使符至五軍坊司其啓奏
殿柱題其名氏並以博學偉才歷位中外藹然聲問揚
于家邦公體元精之和得大雅之正入出孝悌而蒸蒸
如也恭儉寡過學如不及起詩禮之廢疾通古今之訓
注以五經高第冠名大學而四方諸儒多所質疑是時
也玄宗在上天下大同分王宗枝以崇藩屏高選僚友
必極時俊非阮渾純粹鄭袤鑒識徐幹之恬淡寡欲匡
衡之射策甲科則何以處畏慎之地當敬愛之禮故命

公叅陝王忠王義王棣王四府藩佐雖天人帝子不出

於清禁而井賦田租必揔於朱邱公守以廉介謹

一有于字

均節用用或有差終不奉教春秋匪懈夙夜在公行之
惟艱不易其操何止攀小山之桂虛望神仙對西園之
月空疲讌賞而已開元中御史大夫李商隱按察東都
大明黜陟表公清白尤異特拜朝散大夫尋除右衛率
府左郎將遷太子右贊善贊三善之德周禮其難將四
率之府晉朝所重風流名士文武兼才輝映宗賢肅清

屯騎素懷止足亟請歸閒至于暮年終不得謝嗚呼道
不可屈身屈何傷以天寶十四載正月十七日終于東
京崇政里之私第享年若干永泰元年二月皇帝以肅
宗藩僚清節明著家臣秋審在先志而不忘中尉夜拜
嘆流年之已逝又以子烈憲臣光我多士詔贈曹州刺
史旌有德也夫人滎陽鄭氏明粹柔閒配于君子孝敬
感於冬鯉勤儉彰于夜螢先公而終其引蓋殯有子二
人長曰滎終潤州司功次曰挺前監察御史繼夫人滎

陽縣鄭氏輔佐之道宜其家人均養之德愛猶已出

一作

子有男曰慶前越州叅軍從夫啓南城之邑隨子述東
征之賦江海悠然往歌來哭以大厯三年五月日葬我
濟陰守于偃師縣東姑臧公之塋次蓋二夫人祔焉挺
慶等性與純孝幼承訓獎蒸蒸孺慕合塋于防海變山
飛銘石不泯詞曰

我之始祖自高丘兮繼有賢王霸涼州兮冕紱班然

一作

然充冕班

乃公侯兮周之姬姓漢之劉兮卓哉濟陰廣前脩

兮懷文抱質能剛柔兮羽陵遺簡誦如流兮介幘單衣
從梁遊兮儲宮端士侍銅樓兮長水校尉鳴絳騶兮方
期告賜得歸休兮誰謂生涯忽若浮兮先朝宮臣聖眷
留兮追命藩守詔書優兮穀也嗣子難也叔兮合祔黃
腸千萬秋兮

叔父故禮部員外郎墓誌銘 前人

魯有先大夫其言立於世春秋謂之不朽儒有今世行
之後世以成楷則君子之道不患時之不逢患其道之

不顯故賢哲所以啓正宗教蓋風於人倫垂之無窮者
矣賓客諱無字名某河內溫人也曾祖渠州咸安令諱
緒王父杞王司馬諱毅皇考慶王文學諱楚珪咸以清
明粹和高爽顯融經術可以致公卿道德可以居師傅
所不至者時之未會歟府君即文學之第三子也伯仲
叔季嗣世清德鴻藻振古休聲動時每至徵賢良舉秀
才一門擅科半於天下既冠進士擢第具年拔萃登科
補益州新都尉開元十年舉文藻宏麗遂上陳皇王之

盛下借周漢之論稽以洪範九疇天人之統災變之異
高言體大久而可驗如賈生之論漢也與孫逖同入第
二等擢鄆縣尉文融寵幸用事總領計簿地有不書登
下之數者按而籍之乃明割利言辭義激切聞列於二
府竟還其令忘已忤權風節獨立秩蒲判入等三等自
周隋已來選部率以書判取士海內之所稱服者二百
年間數人而已又居其最焉復以常資授萬年尉戢鸞
之資搏鷲之用得不天其性而喪其真歟然亦筆無凝

牘庭絕留訟昊天之荐禍于我家也廬于外壤負墳封

樹哀過而陽和變慘感達而猛獸

一作殺

來馴常伯卿尹

四方高士麻弔于郊者匪朝夕而間焉莫不竦嘆而希

慕也及禮既外除稱疾而不起朝廷方待以議郎博士

辭而求邑除潞州上黨令恬澹推誠薰然化矣故老歌

詠洋洋至今入拜起居舍人搜遺求寶典冊大備撰開

元注記三十卷藏在太史除屯田員外郎未幾轉禮部

時天寶改元符瑞紛委郡國所獻月有千計公卿稱賀

日奏

闕

總裁實難濬發皆麗玄宗每賞異因命女史

傳寫時省覽焉方將擢居紫垣專統大誥斯文既喪成
命中止以天寶三年十二月二十日薨於西京宣賜里
之私第享五十有六故事中書舍人非寵終之職上以
心許久矣特贈此官朝之殊典也以明年正月權厝于
少陵之東至上元廣德之間以長子官在清近加贈工
部侍郎太子賓客夫人博陵崔氏徽聞有德明順合禮
逮事舅姑嘗佐明祀歸我不永方春即冥開元十七年

終于京師年二十五窆于見子陵生長子侍郎御史著
不幸早世繼夫人弘農縣太君楊氏大厯九年三月乙
卯棄背于所封之邑其年七月己酉安厝于細柳原自
廟見至于終堂三十九載宜家之懿範教子之明訓睦
親之令德並載于己酉之銘生次子弘農縣令曾叔子
大理評事普季子渭南縣尉魯永惟累世來遷僅二百
年封域連岡昭穆相對禮不忘本時又協吉以大厍十
年十月庚午遷祔于弘農太君之塋博陵夫人同合焉

夫敵已則不厭以子則咸貴若冢嗣既殘於中年元室
不歸於先寢豈成兄之志也所以同異均愛前後相從
亦承家之順也孝禮則然詢義惟允君子歸之諸孤不
天幼奪嚴訓志以苦立學以慈成克自脩潔所承罔墜
亦既成人重集大譽思養于下不欲具生血盡而形遺
者顧禮而終事也於戲天德于我叔父以扶濟儒玄之
道元精委其和太古全其淳德之厚也知至至之可與
幾知終終之可與存恬然而虛寂然而通識之達也五

禮之宗六樂之奧致廣大而盡精微極高明而道中庸
儒之博也包括群有陶融象外燭日月之光華連星漢
之昭回文之雄也若因親立愛則忠友過乎悌引進極
乎慈奉先追孝則怵惕于時感齊明於夙興靖于位而
不以善矜儉于家而不以菲廢先哲之休風遐烈未嘗
不蹈其域而冥其會也若處之於舜代則肩八元以論
道升之於孔門則隨四科而隣聖而位止于上士教淪
于衰俗豈非蒼生之不幸耶玄風之始絕耶袞積纒少

孤恭承憫覆躬誨無倦常至夜分性愚難移猶期日就
外傳不得專也諸子不得視也獲漸庶幾實賴慈獎恩
未上報禍已先鍾遠慕何申有懷靡及所踐之職昔所
彌綸顧瞻廷除出入哀懼微微小子夙夜上慙遷神甫
臨省護推絕哀以傳實不敢假詞銘曰

厥初茫茫輔軒致皇至我義信即官于常開國長羅惟
右將軍奄受高陽惟光祿勳印印天水謚曰貞道赫赫
黃黃魏之元老乃生司徒啓佑周邦踐華却齊建麾幢

戲上賜田自溫而遷迨茲十葉松栢芊芊穆處其後昭
列其前哀詞具石永世不寯

文苑英華卷九百四十二